

OPĆINA STARI GRAD SARAJEVO

Općinsko vijeće

Na osnovu člana 298., člana 305. stav 1., a u vezi sa članom 363. stav 3. tačka 3. Zakona o stvarnim pravima ("Službene novine Federacije BiH", br. 66/13, 100/13), Odluke o građevinskom zemljištu Općine Stari Grad ("Službene novine Kantona Sarajevo", broj 7/15) i člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13), Općinsko vijeće Stari Grad Sarajevo na sjednici održanoj dana 26.04.2016. godine donijelo je

ODLUKU

**O DAVANJU SAGLASNOSTI NA OSNIVANJE PRAVA
GRADNJA NA NEKRETNINI U VLASNIŠTVU OPĆINE
STARI GRAD SARAJEVO U KORIST GRADA
SARAJEVA U CILJU REALIZACIJE PROJEKTA
"REVITALIZACIJA TREBEVIČKE ŽIČARE"**

Član 1.

Daje se saglasnost na osnivanje prava građenja na nekretnini u vlasništvu Općine Stari Grad (u daljem tekstu: vlasnik nekretnine) i to u korist Grada Sarajevo (u daljem tekstu: nosilac prava građenja), a u cilju realizacije projekta "Revitalizacije Trebevičke žičare".

Član 2.

Predmet prava građenja je nekretnina označena kao k.č. 2008/10, po kulturi hotel, prizemna zgrada i dvorište, površine 1750 m², upisana u zk. ul. br. 3261 k.o. Kijevo, uknjižena sa pravom vlasništva u korist Općine Stari Grad Sarajevo, sa dijelom 1/1, a što po novom premjeru odgovara k.č. 164/2 k.o. Trebevič, sa upisanim posjednikom Općina Stari Grad Sarajevo sa dijelom 1/1.

Član 3.

Pravo građenja se osniva na period od 25 godina od dana upisa u zemljišnu knjigu Općinskog suda u Sarajevu i prestaje istekom roka na koji je osnovan, ili ispunjenjem bilo kojeg od uslova iz člana 310. Zakona o stvarnim pravima.

Rok iz stava 1. ovog člana može se produžiti a o čemu će Općinsko vijeće donijeti posebnu Odluku.

Član 4.

Nosilac prava građenja u periodu trajanja prava građenja neće plaćati mjesečnu naknadu, za zemljište vlasniku zemljišta.

Član 5.

Općina Stari Grad kao vlasnik nekretnine iz člana 2. ove Odluke je saglasna i prihvata da se na predmetnoj nekretnini upiše pravo građenja u korist nosioca prava građenja Grad Sarajevo sa dijelom 1/1, radi izgradnje objekta "Vidikovac" i ostalih pratećih sadržaja.

Član 6.

Općina Stari Grad je saglasna i prihvata da Grad Sarajevo kao nosilac prava građenja danom zaključivanja i potpisivanja notarski obrađenog ugovora uđe u posjed nekretnine iz člana 2. ove Odluke.

Od dana ulaska nosioca prava građenja u posjed predmetne nekretnine, pa sve do isteka roka trajanja prava građenja, na nosioca prava građenja prelaze sve koristi, troškovi, tereti i opasnosti u vezi sa navedenom nekretninom.

Član 7.

Nakon prestanka prava građenja, istekom roka iz člana 3. ove Odluke prestaje i upis Grada Sarajevo kao nosioca prava građenja u zemljišnim knjigama, kod Općinskog Suda u Sarajevu.

Član 8.

Prestankom prava građenja svi njegovi sastavni dijelovi postaju sastavni dio zemljišta, te vlasnik stiče pravo vlasništva na izgrađenom objektu i ostalim pratećim sadržajima, bez potraživanja naknade za uvećanu vrijednost nekretnine, od strane nosioca prava građenja Grada Sarajevo.

Član 9.

Ova Odluka stupa na snagu danom donošenja, a objavit će se naknadno u "Službenim novinama Kantona Sarajevo".

Broj 02-49-210/16
26. aprila 2016. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 20/13) i člana 14. i 15. Odluke o priznanjima Općine Stari Grad Sarajevo ("Službene novine Kantona Sarajevo, broj 5/10), Općinsko vijeće Stari Grad Sarajevo je, na prijedlog Komisije za priznanja, na sjednici održanoj 26. aprila 2016. godine, donijelo

ODLUKU

**O DODJELI PRIZNANJA OPĆINE STARI GRAD
SARAJEVO**

I

OPĆINSKA POVELJA SA ZLATNIM ŠTITOM

1. Pojedinačno priznanje "Općinska povelja sa zlatnim štitom" se dodjeljuje demobilisanom borcu Armije RBiH:

- ČIZMIĆ MUSTAFI

koji se svojim požrtvovanim djelovanjem naročito istakao u organizovanju i izvođenju odbrane na području Općine, te otklanjanju opasnosti od ratnih razaranja njenog područja.

2. Kolektivno priznanje "Općinska povelja sa zlatnim štitom" se dodjeljuje:

- Jedinstvenoj organizaciji boraca "UNIJA VETERANA"

za pronosjenje istine o suštini agresije na R BiH.

II

POVELJA SA GRBOM OPĆINE STARI GRAD SARAJEVO

Pojedinačno priznanje "Povelja sa grbom Općine Stari Grad Sarajevo" se dodjeljuje:

- ŠEHOVIĆ SEJFI

za izuzetan doprinos u oblasti fizičke kulture i sporta.

III

POLICAJAC GODINE

Općinsko priznanje "Policajac godine" se dodjeljuje policijskom službeniku I Policijske uprave - Policijska stanica Stari Grad Sarajevo:

- KULOGLIJA ŠAĆIRU

za izuzetan doprinos i postignute rezultate u zalaganju za ostvarivanje što povoljnije bezbjedonosne situacije na području Općine Stari Grad Sarajevo, u prethodnom jednogodišnjem periodu.

IV

Priznanja, utvrđena ovom Odlukom, dodjeljuje Općinsko vijeće Stari Grad Sarajevo na svečanoj sjednici Općinskog vijeća, zakazanoj povodom Dana Općine ili u dane utvrđene Odlukom o obilježavanju značajnih događaja, datuma i ličnosti iz perioda agresije 1992.-1995. godine kao i u drugim prigodama.

V

Ova Odluka stupa na snagu danom objave na Oglasnoj tabli Općine, a naknadno će biti objavljena u "Službenim novinama Kantona Sarajevo".

Broj 02-49-239/16
Aprila 2016. godine
Sarajevo

Predsjedavajući
Općinskog vijeća
Stari Grad Sarajevo
Vedran Dodik, s. r.

Na osnovu člana 37. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 09/14, 13/14, 8/15, 9/15 i 102/15) i člana 25. i 70. Statuta Općine Stari Grad Sarajevo - prečišćeni tekst ("Službene novine Kantona Sarajevo", broj 20/13), Općinsko vijeće Općine Stari Grad Sarajevo, na sjednici održanoj dana 26. aprila 2016. godine, donijelo je

ODLUKU

**O IZMJENAMA I DOPUNAMA BUDŽETA OPĆINE
STARI GRAD SARAJEVO ZA 2016. GODINU**

I - OPĆI DIO

U Budžetu Općine Stari Grad Sarajevo za 2016. godinu ("Službene novine Kantona Sarajevo", broj 2/16), član 1. mijenja se i glasi:

Član 1.

Budžet Općine Stari Grad Sarajevo za 2016. godinu sastoji se od:

I	PRIHODI I PRIMIDI	26.072.700,00 KM
II	RASHODI I IZDACI	26.072.700,00 KM
III	SUFICIT/DEFICIT	-0-

Član 2.

Član 2. mijenja se i glasi:

U članu 2. Prihodi i primici, rashodi i izdaci po vrstama i namjenama utvrđeni u bilansu plana Budžeta za 2016. godinu mijenjaju se i glase kako slijedi: